

JONES, ROBERT (1745 - 1829), Rhoslan, athro, pregethwr, ac awdur



Enw: Robert Jones
Dyddiad geni: 1745
Dyddiad marw: 1829
Priod: Magdalen Jones (née Prichard)
Plentyn: Hannah Owen (née Jones)
Plentyn: Margaret Jones (née Jones)
Plentyn: Samuel Jones
Plentyn: Daniel Jones
Rhiant: Margaret Williams
Rhiant: John Williams
Rhyw: Gwryw
Galwedigaeth: athro, pregethwr, ac awdur
Maes gweithgaredd: Crefydd; Addysg; Llenyddiaeth ac Ysgrifennu
Awdur: Griffith Thomas Roberts

Ganwyd 13 Ionawr 1745, mab John a Margaret Williams o'r Suntutur, Llanystumdwy. Dysgwyr darllen iddo gan ei fam, a bu yn un o ysgolion cylchynol **Griffith Jones** a gedwid gan Thomas Gough. Llwyddodd Robert Jones i berswadio **Madam Bevan** i ailagor yr ysgolion cylchynol yng Ngwynedd, a bu ef yn athro yn Llanybi (1766), Beddgelert (1767), Capel Curig (1768), Rhuddlan (1769), Brynsiencyn (1770), Llanybi (1772-3), a Brynengan (1778). Dechreuodd gyngori gyda'r Methodistiaid Calфинаidd yn 1768, a daeth yn amlwg yn eu cynadleddau. Crwydrodd i bregethu trwy'r Gogledd a'r De ac aeth cyn belled â Llundain yn 1779.

Priododd Magdalen Prichard yn Llanfihangel-y-Pennant ar 2 Tachwedd 1772; yr oedd ei wraig yn ferch i Richard Gruffydd, un o weision **William Prichard**, Clwchdermog, ac yn wyes i Francis Evans, Cae'r Tyddyn. Cymerasant dyddyn Tir Bach, Rhoslan am saith mlynedd o brydles, a gwnaeth Robert Jones adeilad digon mawr arno fel y gellid defnyddio rhan ohono fel capel, a chasglai cymdeithas gref o Fethodistiaid yno. Pan ddaeth y brydles i ben symudasant i fyw i Dŷ Bwlcyn yn ardal y Dinas, Lley. Ceir hanes am bedwar o blant iddynt; aeth DANIEL yn fasnachwr dillad i Lerpwl, pregethai gyda'r Methodistiaid, a mab iddo oedd y Parch. John Jones, Wrecsam; priododd Mary gyda Richard Jones, Tŷ Bwlcyn, a merch iddynt oedd Magdalen Jones, Waun Fawr, awdur *Rhodd Nain*; priododd Hannah gyda Richard Owen, Meillionen, plwyf Ceidio, ac ers eu hiliogaeth hwy yn Llŷn ac America; aeth SAMUEL i Lerpwl ac yr oedd yn un o flaenoriaid mwyaf blaenllaw y Methodistiaid yno am gyfnod maith.

Y llyfrau a gyhoeddodd Robert Jones oedd *Lleferydd yr Asyn*, 1770, i amddiffyn y Methodistiaid rhag eu herlidwyr; *Drych i'r Anllythrennog*, 1778, at ddysgu sillebu Gymraeg; *Grawnsypiau Canaan*, 1795, yn cynnwys casgliad o emynau - hwn oedd y llyfr emynau cyntaf ar bulpudau'r Methodistiaid Calфинаidd yn y Gogledd; ac, yn olaf, *Drych yr Amseroedd*, 1820, i ddisgrifio'r diwygiad Methodistaidd a'i effeithiau yng Nghymru. Y llyfr olaf hwn yw ei brif waith. Ceir ynddo iaith rymus, disgrifiadau byw, a llawer o angerdd y diwygiad. Bu gan Robert Jones ran mewn cadw '**Charles o'r Bala**' rhag gadael Cymru yn 1784, a hefyd mewn perswadio'r un gŵr i gydymffurfio â'r penderfyniad i ordeinio pregethwyr y Methodistiaid yn weinidogion yn 1811.

Bu farw 18 Ebrill 1829 a chladdwyd ef ym mynwent Llaniestyn wrth y mur dwyrain.

Yr oedd **Mordecai Jones** yn fab i'w nai.

Awdur

Griffith Thomas Roberts

Ffynonellau

Llawysgrifau Wheldon yng Ngholeg Prifysgol Gogledd Cymru, Bangor, 1-7, 9-12, 16

Cymru (O.M.E.), xii, 227

Gwaith Robert Jones, Rhos Lan, *Y Llenor*, xv, Gorffennaf 1898, 1-96

Gwaith Robert Jones, Rhos Lan, *Y Llenor*, xvi, Hydref 1898, 97-192

John Elias, *Cofiant o fywyd a marwolaeth y diweddar Mr. Robert Jones, Dinas, gynt o Roslan, Sir Gaernarfon, pregethwr yr efengyl yn mhllith y Trefnyddion Calфинаidd, yr hwn a fu farw Ebrill 18, 1829, yn y 84 flwyddyn o'i oed a'r 60fed o'i weinidogaeth at yr hyn y chwanegwyd pigion o'i lythyrau ac o'i waith prydyddol; ynghyd â'r llythyr ato odidwrth y diweddar Barch. T. Charles, Bala (Llanrwt 1834)*

Archifau LIGC: NLW MS 4836E: Llythyrau at John Jones, Edern

Archifau LIGC: NLW MS 12793C: Robert Jones, Rhos-lan

Archifau LIGC: NLW MS 12794C: Robert Jones, Rhos-lan

Darllen Pellach

J. Morgan Jones a W. Morgan, *Y Tadau Methodistaidd (1895-1897)*, ii, 56-75

Erthygl Wicipedia: Robert Jones, Rhoslan

Dolenni Ychwanegol

VIAF: 186751262

Wikidata: Q18535734

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchfeyrdiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.

Trannu

Arddull APA

x

Roberts, G. T., (1953). JONES, ROBERT (1745 - 1829), Rhoslan, athro, pregethwr, ac awdur. *Y Bywgraffiadur Cymreig*. Adferwyd 14 Tac 2024, o <https://bywgraffiadur.cymru/article/c-JONE-ROB-1745>

Prifwrdd

Preifatrwydd a Chwcis
Hawlfraint
Y Prosiect
Cymorth
Cysylltu

LGC
NLW

LLYFRGELL
THE NATION



Yn ddiogel gan
Llywodraeth Cymru
Secured by
Welsh Government